



Broj: 07-11-126/26
Vogošća, 08.04.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 08.04.2026. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU USLUGE REVIZIJE
GLAVNIH/IZVEDBENIH PROJEKATA SANACIJE, REKONSTRUKCIJE I IZGRADNJE
OBJEKATA NISKOGRADNJE (PARKINZI, PARKOVI, IGRALIŠTA, TRGOVI, SPOMENICI)
SA PRATEĆOM INFRASTRUKTUROM NA PODRUČJU OPĆINE VOGOŠĆA**

Član 1.

Ponuda ponuđača "Smajić-inženjering" d.o.o. Goražde, ulica Zaima Imamovića b.b., Goražde, odabrana je za nabavku usluge revizije Glavnih/Izvedbenih projekata sanacije, rekonstrukcije i izgradnje objekata niskogradnje (parkinzi, parkovi, igrališta, trgovi, spomenici) sa pratećom infrastrukturom na području općine Vogošća, kao prvoplasirana na Rang listi, sa ponudenom ukupnom cijenom nabavke u iznosu od 3.724,00 KM sa uračunatim popustom i bez uračunatog PDV-a, odnosno 4.357,08 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 18.02.2026. godine donio Odluku o pokretanju Otvorenog postupka za nabavku usluge revizije Glavnih/Izvedbenih projekata sanacije, rekonstrukcije i izgradnje objekata niskogradnje (parkinzi, parkovi, igrališta, trgovi, spomenici) sa pratećom infrastrukturom na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 20.02.2026. godine pod brojem: 1353-1-2-39-3-56/26.

Sažetak Obavještenja o nabavci objavljen je u "Službenom glasniku BiH" broj: 16/26 od 27.02.2026. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača.

Krajnji rok za dostavu ponuda bio je 17.03.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 17.03.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Design & QC" d.o.o. Sarajevo	8.000,00	/	/	9.360,00
2	"Inpros" d.o.o. Mostar	7.450,00	/	/	8.716,50
3	"Smajić-inženjering" d.o.o. Goražde	3.800,00	2%	3.724,00	4.357,08
4	Institut za građevinarstvo "IG" d.o.o. Banja Luka	6.150,00	/	/	7.195,50
5	"HKP Consulting" d.o.o. Banja Luka	6.200,00	/	/	7.254,00

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-126/26 iz februara 2026. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima. Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača „Impros“ d.o.o. Mostar ne ispunjava formlno-pravne uslove tražene Tenderskom dokumentacijom, odnosno ponuđač je u ponudi dostavio potvrde o uspješnoj realizaciji ugovora iz oblasti revizije projekata vodosnabdjevanja, a trebalo je iz oblasti objekata nisko gradnje.

Naime, Tenderskom dokumentacijom u tački 7.4.1. ponuđač je dužan ispuniti sljedeće uslove tehničke i profesionalne sposobnosti:

- a) da je u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor u ukupnom iznosu od 5.000,00 KM bez uračunatog PDV-a ili više pojedinačnih ugovora u ukupnom zbiru od 5.000,00 KM bez uračunatog PDV-a, čiji je karakter i kompleksnost isti ili sličan onom koji se odnosi na predmet nabavke usluge izrade/revizije projekata sanacije, rekonstrukcije i izgradnje objekata niskogradnje - parkinzi, parkovi, igrališta, trgovci, spomenici sa pratećom infrastrukturom.

Nadalje, tačkom 7.4.2.U svrhu dokazivanja ispunjavanja uslova iz tačke 7.4.1. ponuđači su dužni u ponudi dostaviti sljedeće pismene dokaze:

- a) spisak izvršenih ugovora u ukupnom iznosu od 5.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ukoliko se potvrde o izvršenim uslugama ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Napomena I: Dokazi koji se dostavljaju moraju biti originali ili ovjerene kopije.

Napomena II: Potvrda o pruženim uslugama koju izdaje druga ugovorna strana (naručilac) obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Napomena III: Ako je period od registracije/osnivanja ponuđača kraći od perioda za koji ugovorni organ zahtijeva dokaze koji se odnose na tehničku i profesionalnu sposobnost ponuđača, ponuđač je u tom slučaju dužan da dostavi dokumentaciju samo za period od svoje registracije/osnivanja.

Ponuđač je u ponudi dostavio potpisan i ovjeren Spisak izvršenih ugovora broj: 138/26 od 13.03.2026. godine na memorandumu Ponuđača, u kojem je navedeno da je ponuđač u periodu od februara 2022. godine do maja 2023. godine izvršio poslove revizije idejnog i glavnog projekta dugoročnog snabdjevanja vodom MZ Jablanica i MZ Karadaglije, općina Tešanj. Uz spisak izvršenih ugovora priložena je i ovjerena kopija Potvrde o uspješnoj realizaciji ugovora broj: 03-45-2-13 87-2/23 od 15.06.2023. godine, izdata od Službe za društvene djelatnosti i investicije Općine Tešanj, kojom se potvrđuje da je ponuđač "Inpros" d.o.o. Mostar izvršio poslove revizije idejnog i glavnog projekta dugoročnog snabdjevanja vodom MZ Jablanica i MZ Karadaglije, općina Tešanj.

Međutim, imajući u vidu da je tenderskom dokumentacijom traženo da je ponuđač u posljednje 3 (tri) godine realizovao minimalno jedan ugovor koji se odnosi na usluge **izrade/revizije projekata sanacije, rekonstrukcije i izgradnje objekata niskogradnje - parkinzi, parkovi, igrališta, trgovi, spomenici sa pratećom infrastrukturom**, Komisija je navedne dokumente iz ponude ocijenila neprihvatljivim jer se njima ne dokazuje da je ponuđač ispunio uslove izričito tražene tenderskom dokumentacijom.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača/grupe ponuđača:

- "Design & QC" d.o.o. Sarajevo,
- "Smajić-inženjering" d.o.o. Goražde,
- Institut za građevinarstvo "IG" d.o.o. Banja Luka i
- "HKP Consulting" d.o.o. Banja Luka,

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon što je utvrđeno da je ukupna cijena ponude ponuđača "Smajić-inženjering" d.o.o. Goražde u iznosu od 3.724,00 KM sa ponuđenim popustom i bez uračunatog PDV-a neprirodno niska, odnosno da je za više od 20% niža od cijene drugorangirane prihvatljive ponude (6.150,00 KM bez uračunatog PDV-a) ponuđača Institut za građevinarstvo "IG" d.o.o. Banja Luka, Komisija za javne nabavke postupajući u skladu sa članom 66. Zakona o javnim nabavkama BiH ("Službeni glasnik BiH", broj 39/14, 59/22 i 50/24) i u skladu sa odredbama člana 17. stav 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) je

aktom broj: 07-11-126/26 od 30.03.2026. godine zatražila pojašnjenje neprirodno niske cijene ponude ponuđača "Smajić-inženjering" d.o.o. Goražde.

Ponuđač "Smajić-inženjering" d.o.o. Goražde je svojim aktom broj: 331-U-26 od 02.04.2026. godine dostavio obrazloženje neprirodno niske cijene koje je Komisija za javne nabavke nakon opsežnog razmatranja jednoglasno prihvatila i uvažila, jer je utvrđeno da je ponuđač dostavio uredno i detaljno obrazloženje razloga ponuđene cijene.

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge revizije Glavnih/Izvedbenih projekata sanacije, rekonstrukcije i izgradnje objekata niskogradnje (parkinzi, parkovi, igrališta, trgovi, spomenici) sa pratećom infrastrukturom na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Smajić-inženjering" d.o.o. Goražde	3.724,00	4.357,08
2	Institut za građevinarstvo "IG" d.o.o. Banja Luka	6.150,00	7.195,50
3	"HKP Consulting" d.o.o. Banja Luka	6.200,00	7.254,00
4	"Design & QC" d.o.o. Sarajevo	8.000,00	9.360,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Smajić-inženjering" d.o.o. Goražde, za pružanje usluge revizije Glavnih/Izvedbenih projekata sanacije, rekonstrukcije i izgradnje objekata niskogradnje (parkinzi, parkovi, igrališta, trgovi, spomenici) sa pratećom infrastrukturom na području općine Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 3.724,00 KM sa uračunatim popustom i bez uračunatog PDV-a, odnosno 4.357,08 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa

Kontrolisala: Đejna Sarač

OPĆINSKI NAČELNIK

Migdad Hasanović

Dostavljeno:

1. "Design & QC" d.o.o. Sarajevo
2. "Impros" d.o.o. Mostar
3. "Smajić-inženjering" d.o.o. Goražde
4. Institut za građevinarstvo "IG" d.o.o. Banja Luka
5. "HKP Consulting" d.o.o. Banja Luka
6. Nadležnoj Službi
7. U dosije
8. a/a

designcqc@gmail.com

impros@bih.net.ba

smajicinzenjering.centrala@gmail.com

info@institutig.ba

maja.mihajlovic@hkpbl.com